



## GLION

### Cunfort e rinforz

Avon treis onns han sora **Madlen Büttler** e Barbara De Giorgi lantschau a Glion quell'instituziun. L'emprena mesjamna da settember cuntinuescha il Café Tristezia, per tudestg «Trauercafé» ella casa Sentupada dalla claustra. Igl ei ina purschida per dumignar ina greva fasa. Tgi ch'ei ius tras la veta cun ina persuna attaschada ha breigia da dumignar la vitadad che quella lai anavos. La mort ei in tagl che fa mal. Tuttenina sesent'ins persuls. Savens eis ei aschia ch'ins piarda tegn e sustegn. La mort anetga tucca ils sentiments. Era sch'ins ha giu peda da sepreparar, per exempel cun accumpignar ina persuna che pitescha d'ina malsogna. Ins sto schar ir e po cuir a quella il ruaus perpepen. Anavos resta ina vitadad. Pli baul gidava la cardientscha da surmuntar la situaziun. Ins era circumdaus d'ina reit sociala cun parents e ritual spirituals che levgiavan. Il secuntener dils carstgauns ei semidaus, oz enqueran ins cunfiert cunzun cun discuorer dalla dolor. Gest quei ei gl'intent dil Café Tristezia. «S'entupar en ina gruppa e semplamein tschintschar fa bein e descarga», gi sora **Madlen Büttler**. La dominicana da Glion e Barbara De Giorgi da Vella han gronda experientscha cun accumpignar moribunds e lur confamigliars. Sco ellas sincereschon gidan discuors effectivamein da dumignar il mal dil cor e da survegnir nova curascha. Sora Madlen puntuescha ch'il «Trauercafé» seigi in liug public mo schumegiau, per cunfort e rinforz. (fmr/abc)



Sora **Madlen Büttler**. FOTO AUGUSTIN BEELI

**Il Café da tristezia a Glion ei ella Casa Sentupada dalla claustra a Glion, mingamai l'emprena mesjamna dil meins, dallas 14.00 tochen las 16.00. Mesjamna, ils 6 da settember 2023, eis el l'emprena gada suenter las vacanzas da stad.**